



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726 412  
fax. +387 33 726 414  
e – mail: [info@voda.ba](mailto:info@voda.ba)

Broj: **UP-1/21-1-40-126-4/22**  
Datum: **06.07.2022. god.**

«Agencija za vodno područje rijeke Save» Sarajevo rješavajući po zahtjevu Grada Bosanska Krupa, za izdavanje prethodne vodne saglasnosti za izgradnju pješačkog drvenog mosta preko rijeke Une na području naselja Bosanska Otoka u Bosanskoj Krupi, na osnovu člana 109. stav (1) tačka 10. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 49/99), **donosi**

### **RJEŠENJE** **o prethodnoj vodnoj saglasnosti**

1. Investitoru, Gradu Bosanska Krupa daje se prethodna vodna saglasnost za izgradnju pješačkog drvenog mosta preko rijeke Une u naselju Bosanska Otoka na parceli označenoj kao k.č. 1241/1, K.O. Otoka I i k.č. 618/1 i 449 K.O. Otoka II, grad Bosanska Krupa, u dužini 92 m, a u postupku pribavljanja urbanističke saglasnosti.
2. Prethodna vodna saglasnost se daje na osnovu pregleda projektne i druge dokumentacije dostavljene od strane podnosioca zahtjeva i pod slijedećim uslovima:
  - 2.1 Izraditi i revidovati investiciono-tehničku dokumentaciju na nivou glavnog projekta koja treba da je urađena od strane ovlaštenog pravnog lica i revidovana od strane drugog pravnog lica, oba sa „liste A“ Ministarstva za poljoprivredu, vodoprivredu i šumarstvo, u skladu sa odredbama Pravilnika o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti („Službene novine Federacije BiH“, broj 17/08 i 38/12).
  - 2.2 Projektnom dokumentacijom treba da se obuhvati tehničko rješenje izgradnje pješačkog drvenog mosta postavljenog koso pod uglom od  $66^{\circ}$ , u odnosu na os toka rijeke Une, nosivosti do 5 t za eventualni prelaz vozila hitne pomoći, a projektna dokumentacija treba da sadrži i:
    - Situativni prikaz, razmjere 1:1000 ili detaljnije, sa ucrtanom mostom preko korita rijeke Une na ažurnim geodetskim podlogama, uzdužnog i poprečnih profila riječnog korita urađenu na bazi geodetskih snimanja koja će se provesti za potrebe izrade ove projektne dokumentacije. Snimanje izvesti preko operativnog poligonog vlaka uz povezivanje sa državnim nivelmanom sa osiguranjem krajnjih tačaka poprečnih profila na terenu trajnim biljegama (uz položajni opis i nacrt), preko kojih će se vršiti kontrola realizacije ovih radova.
    - Tehnički opis rješenja, uz obrazloženje rješenja i pojašnjenje efekata izgradnje pješačkog drvenog mosta, predmjer radova i odgovarajuće grafičke priloge uobičajene za nivo projekta za građenje;
    - Hidraulički proračun propusne moći projektovanog otvora mosta, odrediti nivo stogodišnje velike vode na lokaciji mosta sa eventualnim usporom, provesti hidraulički proračun za dionicu uzvodno i nizvodno od mosta, utvrditi vučne napone u koritu te za slučaj ako su veći od dozvoljenih u prirodnim koritu odrediti potrebnu dužinu prelaznih dionica od obalnih upornjaka do prirodnog korita sa oblaganjem kosina korita u svrhu zaštite od erozije;
    - Pri izradi projektne dokumentacije pažnju posvetiti na položaj postojećih instalacija (vodovodne, kanalizacione, elektro, PTT i dr.) te dati tehničko rješenje za ukrštanje ili izmještanje istih ukoliko iste postoje na lokalitetu mosta.
    - Pri izradi tehničke dokumentacije pridržavati se pravila struke i nauke te zakonske regulative vezane za ovakvu vrstu radova te ekološko-ekonomskih zahtjeva
    - Prilikom definiranja projekta izgradnje pješačkog drvenog mosta uvažiti i uslove koji se odnose prije svega na izgrađenost obale, morfologiju terena, razvojno - plansku dokumentaciju, geološki sastav korita i sl.;
    - Trebaju se uvažiti zahtjevi predstavnika lokalne jedinice samouprave u dijelu koji se odnosi na uklapanje u urbanističku i prostorno – plansku dokumentaciju;

- Projektna dokumentacija treba da bude urađena na zakonski zahtijevanom nivou za ovu vrstu radova i sadrži sve opće i tehničke elemente propisane zakonodavstvom iz ove oblasti.
3. Aktivnosti projektiranja i izgradnje novog pješačkog drvenog mosta na mjestu nekadašnjeg, u naselju Bosanska Otoka, planirati da svojom visinskom pozicijom zadovolji uslov obezbjeđenja potrebnog nadvišenja donje ivice mostovne konstrukcije od 10 m od nivoa voda u regulisanom koritu, za velike vode ranga pojave 1/100 računajući i proračunati uspor.
  4. Po izradi dokumentacije iz tačke 2.1. dispozitiva ovog Rješenja, nosilac prava iz prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti. Zahtjev za izdavanje vodne saglasnosti dostavlja se u skladu sa članom 8. i 19. Pravilnika o sadržaju, obliku, uslovima, načinu izdavanja i čuvanja vodnih akata.
- Uz zahtjev se, između ostalog, prilaže:
- Investiciono - tehnička dokumentacija zahtijevana tačkom 2.1. ovog Rješenja,
  - Rješenje o urbanističkoj saglasnosti i dokaz o riješenim imovinsko – pravnim odnosima,
5. Ukoliko nakon izdavanja prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, u roku utvrđenom u članu 111. stav 3. Zakona, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavjestiti ovu Agenciju, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
  6. Ovu prethodnu vodnu saglasnost će Investitor koristiti u postupku dobijanja urbanističke saglasnosti i ona definiše sve uslove koje projektna dokumentacija koja se podnosi u postupku dobivanja vodne saglasnosti i građevinske dozvole treba ispuniti u skladu sa Zakonom o vodama.
  7. Prethodna vodna saglasnost se daje sa rokom važenja od tri (3) godine od dana pravosnažnosti ovog rješenja.

## **O B R A Z L O Ž E N J E**

Investitor Grad Bosanska Krupa je podnio zahtjev za izdavanje prethodne vodne saglasnosti za izgradnju „kosog pješačkog drvenog mosta“ preko rijeke Une u naselju Bosanska Otoka, u dužini 92 m, u cilju povezivanja obala u naselju Čaršija – Otoka grad, radi skraćivanja komunikacije na ovoj lokaciji isključivo pješaka.

Uz zahtjev je dostavljena i pregledana slijedeća dokumentacija:

- Kopija Statuta Općine Bosanska Krupa od septembra 2017. godine – ovjerena,
- Kopija uplatnice administrativne pristojbe,
- Ovjerena kopija obavještenja o razvrstavanju pravnog lica prema klasifikaciji djelatnosti, broj: 07-32.5-282/22 od 11.01.2022. godine, služba za statistiku za područje Unsko-sanskog kantona,
- Ovjerena kopija uvjerenja o poreznoj registraciji, Porezna uprava FBiH - Kantonalni porezni ured Bihać, od 09.12.2021. godine,
- Ovjerena kopija katastarskog plana broj: 04-26-2-22972/2021-2, K.O. Otoka II od 19.11.2021. godine,
- Ovjerena kopija katastarskog plana broj: 04-26-2-10012/2022-12, K.O. Otoka I od 09.02.2022. godine,
- Ovjerena kopija Zemljišnoknjižnog izvadka broj:018-0-NAR-22-000 190 K.O. Otoka I
- Ovjerena kopija Zemljišnoknjižnog izvadka broj:018-0-NAR-22-000 191 K.O. Otoka II
- Ovjerena kopija Zemljišnoknjižnog izvadka broj:018-0-NAR-22-000 192 K.O. Otoka II
- Studija za izdavanje PVS „ Kosi pješački most preko rijeke Une, Bosanska Otoka – Otoka grad“ urađena od strane „IBIS“ d.o.o. Zavidovići, pod brojem 02-IB-S/20, marta 2021. godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama i člana 21. Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, broj 31/15, 55/19 i 41/20) o zahtjevu je dana 18.05.2022. godine obaviještena javnost putem obavještenja na oglasnoj ploči «Agencije za vodno područje rijeke Save» Sarajevo, te dana 19.05.2022. u dnevnom glasilu „OSLOBOĐENJE“. U datom roku nije bilo pisanih izjašnjenja o predloženim aktivnostima iz zahtjeva.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na režim voda i prava na vode dodijeljena drugim korisnicima, podnosiocu zahtjeva su ovim vodnim aktom, u tački 2. dispozitiva rješenja, shodno odredbama Zakona o vodama i odredbama Pravilnika o sadržaju, obliku, uslovima, načinu izdavanja i čuvanja vodnih akata, propisani uslovi koje je dužan ispuniti prilikom izrade projektne dokumentacije koja će Investitoru biti potrebna u postupku pribavljanja vodne saglasnosti i odobrenja za građenje.

U provedenom postupku konstatovano je slijedeće:

- Aktivnost za koju je podnesen zahtjev za izdavanje prethodne vodne saglasnosti je izgradnja kosog pješačkog drvenog mosta, u dužini 92 m, na području grada Bosanska Krupa;
- Izgraditi novi pješački most čija će donja ivica mostovne konstrukcije biti viša za 1,0 m od nivoa voda ranga pojave 1/100 u regulisanom koritu;
- Predmetna aktivnost obrađena je projektnom dokumentacijom
- Studija za izdavanje PVS „Kosi pješački most preko rijeke Une, Bosanska Otoka – Otoka grad“ urađena od strane „IBIS“ d.o.o. Zavidovići, pod brojem 02-IB-S/20, marta 2021. godine.


Na osnovu priložene tehničke dokumentacije utvrđeno je da se u svrhu efikasnije komunikacije stanovništva sa obje strane rijeke Une u naselju Bosanska Otoka, u Bosanskoj Krupi, na osnovu člana 109. stav (1) tačka 10., a u vezi sa članom 111. Zakona o vodama («Službene novine FBiH», broj 70/06) i člana 17., stav (1), tačka 11. Pravilnika o sadržaju, obliku, uvjetima, načinu izdavanja i čuvanja vodnih akata, valjalo riješiti kao u dispozitivu ovog rješenja.

#### **UPUTA O PRAVNOM LIJEKU:**

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja. Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih taksi.

Obradivač akta:  
Fuad Mujagić, dipl.inž.

**Po ovlaštenju  
Rukovodilac sektora za izdavanje  
vodnih akata**



**Haris Ališehović, dipl.inž.građ.**

Dostaviti:

- «Grad Bosanska Krupa» Terzića bb Bos.Krupa 77240, Sektor 30;
- AVP Sava, ISV-vodna knjiga – ovdje;
- ☉ Arhiva – ovdje;
- AVP Sava – Oglasna ploča